

საქართველოს იუსტიციის სამინისტროს
საჯარო სამართლის იურიდიული პირი
საქართველოს ეროვნული არქივი



ელექტრონული ტენდერი

სატენდერო დოკუმენტაცია

ხაშურის ადგილობრივი არქივის სველი წერტილის (საპირფარეშოს)
მოწყობის სამუშაოები

(CPV-45300000)

(საკუთარი შემოსავლები)

ქ. თბილისი
2013

1. ტექნიკური დავალება

ხაშურის ადგილობრივი არქივის სველი წერტილის (საპირფარეშოს) მოწყობის სამუშაოები

№	სამუშაოთა დასახელება	განზ.	რაოდ.
1	2	3	4
1	არსებული საპირფარეშოს კედლების დემონტაჟი	მ³	7.80
2	ნანგრევების დატვირთვა ხელით და გატანა ა/თვითმცლელით	ტნ	12.00
3	მიწის დამუშავება ხელით ფუნდამენტისათვის	მ³	1.32
4	საპირფარეშოს ფუნდამენტის მოწყობა ბეტონით მ-150	მ³	1.60
5	კედლების აშენება წვრილი საკედლე ბლოკით	მ³	1.56
	წვრილი საკედლე ბლოკი	ცალი	115.00
	ქვიშა-ცემენტის ხსნარი	მ³	0.25
6	მეტალოპლასტმასის კარების მონტაჟი	მ²	1.60
7	სახურავის მოწყობა მოთუთიებული ტალღოვანი თუნუქით	მ²	1.65
	დახერხილი ხის მასალა	მ³	0.22
	პლასტიკატი	მ²	1.50
8	კედლების შელესვა ქვიშა-ცემენტის ხსნარით	მ²	22.00
9	კედლების შეღებვა წყალემულსიის ხსნარით	მ²	22.00
10	თურქული უნიტაზის მოწყობა	ცალი	1.00
11	წყლის მიყვანა საპირფარეშომდე	გრძ/მ	12.00
12	წყლის ჩამრეცხის მოწყობა	ცალი	1.00
13	კანალიზაციის მილების შეერთება ქსელთან	გრძ/მ	5.00
14	მისასვლელი გზის მოწყობა ღორღით	მ³	5.60
15	არსებული საპირფარეშოს მოსწორება ღორღის ნარევით	მ³	12.00
16	ტერიტორიის გასუფთავება ნარჩენებისაგან	ტნ	7.40

- 1.1 სამუშაოების შესრულებისას გამოყენებული მასალები და მოწყობილობები უნდა იყოს მაღალი ხარისხის;
- 1.2 სამუშაოების შესრულებამდე ხარჯთაღრიცხვით გათვალისწინებული მასალების და მოწყობილობების გამოყენების საკითხი (ფერი, ხარისხი) შეთანხმოს შემსყიდველთან. აღნიშნული შეთანხმება შეიძლება განხორციელდეს როგორც წერილობით, ასევე მის გარეშე;
- 1.3 სამუშაოების შესრულება/მოწყობის სამუშაოები უნდა მიმდინარეობდეს უსაფრთხოების ყველა ნორმების დაცვით;
- 1.4 შესასრულებელი სამუშაოების ხარჯთაღრიცხვა წარმოდგენილი უნდა იყოს საქართველოს ეკონომიკისა და მდგრადი განვითარების მინისტრის 2012 წლის 12 ივლისის ბრძანება №1-1/1463 "სამშენებლო სამუშაოების სახელმწიფო შესყიდვისას ზედნადები ხარჯებისა და გეგმური მოგების განსაზღვრის წესის დამტკიცების შესახებ" შესაბამისად;
- 1.5 ანგარიშსწორების პირობები:
- 1.6 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით;
- 1.7 ანგარიშსწორება უნაღდო ანგარიშსწორებით ლარებში;
- 1.8 შემსყიდველი იღებს ვალდებულებას გადაუხადოს მიმწოდებელს შესრულებული სამუშაოების ღირებულება წარმოდგენილი ფორმა #2-ის და მიღება-ჩაბარების აქტის გაფორმებიდან 20 (ოცი) დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.
- 1.9 წინასწარი ანგარიშსწორება (ავანსი) არ გამოიყენება;
2. ხელშეკრულების შესრულების უზრუნველყოფის საბანკო გარანტია: ტენდერში ხელშეკრულების შესრულების უზრუნველყოფის საბანკო გარანტია არ გამოიყენება.
3. შესასრულებელი სამუშაოების ვადები, ადგილი და პირობები:
 - სამუშაოები უნდა დასრულდეს სახელმწიფო შესყიდვების შესახებ ხელშეკრულების გაფორმების დღიდან **20 (ოცი) კანელდარული დღის განმავლობაში**, შემდეგ მისამართზე: ქ.ხაშური, იმერეთის ქ.#32.
 - სარემონტო სამუშაოების ტექნიკური პირობების უზრუნველყოფისათვის, ეროვნული არქივის ადმინისტრაციასთან შესათანხმებელია სარემონტო სამუშაოების შესასრულებლად ობიექტზე დაშვების წესები. დამატებით ტექნიკური საკითხები უნდა შეთანხმდეს სამეურნეო სამსახურთან.
 - **4. დაფინანსების წყარო:** საკუთარი შემოსავლები.
 - **5. სავარაუდო ღირებულება:** 3500 (სამი ათას ხუთასი) ლარი.
 - **6. საგარანტიო ვადა:** შესრულებულ სამუშაოებზე საგარანტიო ვადა უნდა შეადგენდეს არანაკლებ 5 (ხუთი) წელს.
 - **7. პრეტენდენტის მიერ სისტემაში ასატვირთი მონაცემები:**
 - ა) პრეტენდენტის რეკვიზიტები.
 - ბ) პრეტენდენტმა უნდა წარმოადგინოს სატენდერო წინადადების ფასი და ხარჯთაღრიცხვა სამუშაოთა მოცულობის უწყისის შესაბამისად , სადაც ნათლად უნდა იყოს მითითებული ფასი ტრანსპორტირების, შრომის ანაზღაურების, გადასახადებისა თუ სხვა ფაქტორების გათვალისწინებით;
 - გ) ინფორმაცია ბოლო 2 წლის განმავლობაში (2011-2012 წწ) შენობა – ნაგებობების სარემონტო სამუშაოების შესახებ დამკვეთის მითითებით;
 - დ) ინფორმაცია სამუშაოს შესრულების ვადების შესახებ;
 - ე) საგარანტიო ვადა და პირობები არანაკლებ 5 (ხუთი) წელი.
 - ვ) ინფორმაცია სამუშაოების შესრულებისას გამოსაყენებელი მასალებისა და მოწყობილობების ხარისხის შესახებ;

შენიშვნა: სატენდერო დოკუმენტაციასთან დაკავშირებული განმარტებების მიღება პრეტენდენტებს შეუძლიათ შემდეგ პირებთან: გიორგი ასკურავა - 577 340 577; პაატა ნამორაძე - 577 130359;

3. სახელმწიფო შესყიდვების შესახებ ხელშეკრულების პროექტი

ქ.თბილისი

----- 2013 წელი

სსიპ საქართველოს ეროვნული არქივი (მის.: ქ. თბილისი, ვაჟა ფშაველას №1, საბანკო რეკვიზიტები: -----
-----, სკ-211358957), შემდგომში წოდებული
“შემსყიდველად”, წარმოდგენილი გენერალური დირექტორის მოადგილის მოვალეობის შემსრულებლის
ილია ჩიბიროვის სახით და -----
- შემდგომში წოდებული „მიმწოდებლად“, წარმოდგენილი მისი დირექტორის -----
სახით, ორივე, ერთად წოდებული როგორც „მხარეები“, ვმოქმედებთ, რა საქართველოს კანონმდებლობის,
„სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე
ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვების შესახებ“ (შემდგომში – „ხელშეკრულება“) –
შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა
მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც
ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა
მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით
შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს სამუშაოს ამ ხელშეკრულების ფარგლებში.
- 1.6 „სამუშაო“ – ხელშეკრულების მე-2 მუხლით განსაზღვრული ხელშეკრულების საგანი.

2. ხელშეკრულების საგანი

ხაშურის ადგილობრივი არქივის სველი წერტილის (საპირფარეშოს)
მოწყობის სამუშაოები

(CPV-45300000) შესყიდვა

3. ხელშეკრულების ღირებულება

- 3.1 ხელშეკრულების ღირებულებაა -----.
- 3.2 ხელშეკრულების ღირებულება მოიცავს, როგორც შესასრულებელი სამუშაოს ღირებულებას, ასევე
წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს
და საქართველოს კანონმდებლობით გათვალისწინებულ გადასახადებს.
- 3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ
ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები
შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული
შემთხვევებისა.
- 3.4 საქართველოს სამოქალაქო კოდექსის 398-ე მუხლით გათვალისწინებულ შემთხვევაში ხელშეკრულების
ჯამური ღირებულების გაზრდა დაუშვებელია ხელშეკრულების 10%-ზე მეტი ოდენობით.

4. მხარეთა ვალდებულებები

4.1 მიმწოდებელი ვალდებულია:

- ა) უზრუნველყოს წინამდებარე ხელშეკრულებით გათვალისწინებული სამუშაოების დაწყება
ხელშეკრულების გაფორმების ----- სამუშაო დღის განმავლობაში;
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;

- გ) უზრუნველყოს წინამდებარე ხელშეკრულებით გათვალისწინებული სამუშაოების შესრულება სამშენებლო ნორმების და წესების დაცვით თანდართული ხარჯთაღრიცხვის (შემდგომში “ხარჯთაღრიცხვა”) მიხედვით, რომელიც წარმოადგენს ხელშეკრულების განუყოფელ ნაწილს;
- ვ) უზრუნველყოს უსაფრთხოების ზომების დაცვა;
- ზ) სამუშაოების შესრულებამდე ხარჯთაღრიცხვით გათვალისწინებული მასალების და მოწყობილობების გამოყენების საკითხი შეათანხმოს შემსყიდველთან, აღნიშნული შეთანხმება შეიძლება განხორციელდეს როგორც წერილობით, ასევე მის გარეშე;
- თ) სამუშაოების მიმდინარეობის პროცესი უზრუნველყოს შესაბამისი ტექნიკით, ადამიანური რესურსით, მოწყობილობებით და მასალით;
- ი) ხელშეკრულებით გათვალისწინებული ვალდებულებების დარღვევის შემთხვევაში, მიმწოდებელმა უზრუნველყოს შემსყიდველის მიერ დადგენილ ვადებში მდგომარეობის გამოსწორება
- ო) ხელი შეუწყოს შემსყიდველს ინსპექტირების განხორციელებისას;
- კ) უზრუნველყოს ამ ხელშეკრულებით მასზე დაკისრებული სხვა ვალდებულებების განხორციელება.

4.2 შემსყიდველი ვალდებულია:

- ა) უზრუნველყოს შესრულებული სამუშაოს ინსპექტირება და დადებითი შეფასების შემთხვევაში მისი მიღება;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. განხორციელებული სამუშაოების ხარისხი და გარანტია.

- 5.1 შესრულებული სამუშაოს საგარანტიო ვადა ვრცელდება საბოლოო მიღება-ჩაბარების აქტის გაფორმებიდან ----- განმავლობაში.
- 5.2 ამ მუხლის 5.1. პუნქტით განსაზღვრულ საგარანტიო ვადის განმავლობაში, მიმწოდებლის მიერ შესრულებულ სამუშაოზე დაზიანების აღმოჩენის შემთხვევაში მიმწოდებელი ვალდებულია უზრუნველყოს ხარვეზის აღმოფხვრის მიზნით დაიწყოს სამუშაოების წარმოება შეტყობინების მიღებიდან არა უგვიანეს 24 საათისა და დაასრულოს იგი შესაძლო გონივრულ ვადაში მაგრამ არაუგვიანეს 2 კვირაში.
- 5.3 ხელშეკრულებით განსაზღვრული სამუშაოები შესრულებული უნდა იყოს საპროექტო დოკუმენტაციაში აღნიშნული ნორმების, წესების და მითითებების სრული დაცვით, ამასთან სამუშაოების შესრულებისას გამოყენებული მასალები უნდა იყოს მაღალი ხარისხის და შეესაბამებოდეს დადგენილ სტანდარტებს.
- 5.4 მიმწოდებელი პასუხისმგებელია სამუშაოების დასრულების შემდეგ გარემოს საჭირო და სათანადო აღდგენაზე, აგრეთვე შეასრულოს სამუშაო უსაფრთხო და ეკოლოგიურად მისაღები გზით და მინიმუმამდე დაიყვანოს მუშაობით გამოწვეული ხმაურის, ვიბრაციის და მტკრის გავლენა.

6. ხელშეკრულების შესრულების კონტროლი

- 6.1 შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე, მათ შორის სამუშაოების ხარისხის პერიოდული კონტროლი.
- 6.2 შემსყიდველი უფლებამოსილია განახორციელოს ინსპექტირება ხელშეკრულების შესრულებაზე, რისთვისაც გამოყოფს უფლებამოსილ პირს: -----
- 6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნით შესრულებული სამუშაო, მიმწოდებელი ვალდებულია შემსყიდველის წერილობითი შეტყობინებით დადგენილ ვადებში გამოსწოროს წუნი ან თუ მიმწოდებელი ვერ შეძლებს წუნის გამოსწორებას და შემსყიდველს გადახდილი აქვს ამ წუნდებული სამუშაოს ღირებულება, მიმწოდებელი ვალდებულია მოახდინოს წუნდებული სამუშაოს ღირებულების დაბრუნება.
- 6.4 თუ ხელშეკრულების 5.2 პუნქტით გათვალისწინებული წუნის აღმოფხვრისათვის დადგენილი ვადა სცილდება სამუშაოს საგარანტიო ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს საგარანტიო ვადის გასვლამდე.
- 6.5 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით

გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

7. სამუშაოს მიღება-ჩაბარების წესი

7.1 შესრულებული სამუშაოს მიღება, მათ შორის ეტაპობრივის, წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლის ხელის მოწერით, ინსპექტირების განმახორციელებელი პირის/პირების დადებითი დასკვნისა და მიმწოდებლის მიერ წარმოდგენილი ფორმა №2 და ფორმა №3 საფუძველზე.

7.2 სამუშაოების მიღებას აწარმოებს საქართველოს ეროვნული არქივის შესაბამისის სამსახური.

7.3 თუ მიღება-ჩაბარების აქტი უნდა გაფორმდეს განსაზღვრულ დღეს და ეს დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება ვადის გადაცილებად.

7.4 მიმწოდებელი ვალდებულია წერილობით შეატყობინოს შემსყიდველს სამუშაოს დასრულების შესახებ და წარმოადგინოს შესრულებული სამუშაოს შესაბამისი დოკუმენტაცია.

7.5 სამუშაოს შესახებ წერილობითი შეტყობინება ძალაშია იმ თარიღით და იმ შემთხვევაში, თუ ინსპექტირების შედეგად გამოვლენილი არ იქნა წუნი.

8. ანგარიშსწორება

8.1 ანგარიშსწორების ვალუტა – ლარი;

8.2 ანგარიშსწორების ფორმა – უნაღდო.

8.3 შემსყიდველი იღებს ვალდებულებას ანგარიშსწორება მოახდინოს მიღება-ჩაბარების აქტის გაფორმებიდან და შესაბამისი საგადასახადო ანგარიშ-ფაქტურის წარმოდგენიდან 20 (ოცი) დღის განმავლობაში.

8.4 თუ ანგარიშსწორება უნდა შესრულდეს განსაზღვრულ დღეს და ეს დღე ემთხვევა არასამუშაო დღეს, მაშინ ანგარიშსწორება შესაძლებელია განხორციელდეს მომდევნო სამუშაო დღეს.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზის შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება, აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-12 მუხლის შესაბამისად.

10. ხელშეკრულების პირობების შეუსრულებლობა

10.1 წინამდებარე ხელშეკრულების 4.1 პუნქტის “ა” ქვეპუნქტით გათვალისწინებული სამუშაოთა დასრულების ვადების გადაცდენის შემთხვევაში ყოველ ვადაგადაცილებულ დღეზე მიმწოდებელს ეკისრება პირგასამტეხლო შეუსრულებელი სამუშაოს ღირებულების **0.07%** ოდენობით.

10.2 წინამდებარე ხელშეკრულების 5.2 პუნქტით განსაზღვრული პირობების დარღვევის შემთხვევაში ყოველ ვადაგადაცილებულ დღეზე მიმწოდებელს ეკისრება პირგასამტეხლო, შესაბამისად წუნდებული სამუშაოს ან სხვადასხვა მოწყობილობის ღირებულების **0.07%** ოდენობით.

10.3 წინამდებარე ხელშეკრულების 6.3 პუნქტით განსაზღვრული პირობების დარღვევის შემთხვევაში ყოველ ვადაგადაცილებულ დღეზე, მიმწოდებელს ეკისრება პირგასამტეხლო შესაბამისად წუნდებული სამუშაოს ან სხვადასხვა მოწყობილობის ღირებულების **0.07%** ოდენობით.

10.4 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების **10 (ათი) პროცენტს**, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტამდე გადასახდელი პირგასამტეხლოს ანაზღაურება.

10.5 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულების შეწყვეტა

11.1 შემსყიდველი უფლებამოსილია მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

11.2 ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

11.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

12. ხელშეკრულებაში ცვლილებების შეტანა

12.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

12.2 თუ რაიმე წინასწარ გათვალისწინებული მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

13. ხელშეკრულების შესრულების გარანტია

13.1 ხელშეკრულების შესრულების უზრუნველყოფის გარანტია არ გამოიყენება.

14. დავების გადაწყვეტა

14.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

14.2 თუ ასეთი მოლაპარაკების დაწყებიდან **5 (ხუთი)** დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

15. ხელშეკრულების მოქმედების ვადა

15.1 წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს **2013 წლის 31 დეკემბრის ჩათვლით**.

15.2 წინამდებარე ხელშეკრულების 10.2 პუნქტი და მე-5 და მე-6 მუხლები ასევე მოქმედებენ ამ ხელშეკრულების 5.1 პუნქტით განსაზღვრული ვადებითა და პირობების შესაბამისად.

16. ფორს-მაჟორი

16.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

16.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებთან და დაუდევრობასთან, და რომლებსაც გააჩნიათ წინასწარ გათვალისწინებული ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

16.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

17. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად. ხელშეკრულების ერთი ეგზემპლარი გადაეცემა მიმწოდებელს, ხოლო ორი – შემსყიდველს.

18. მხარეთა რეკვიზიტები:

შემსყიდველი

მიმწოდებელი

4.

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავითს და წარვადგინო ეს სატენდერო წინადადება;

* ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადებისგან საჯაროების მომენტამდე.



გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.